



Sammissassaqartitsivik Paaqqutarinnifillu Ippiarsuk
Inuusunnerusunut Innarluutilinnut Immikkoortortaqarfik
Attartu 103-107
3905 Nuussuaq

21. december 2017

Nat. nr./j.nr.: 2017-900-0017

All. nr./brevnr.: 53007

Sull./sagsbeh.: LARI/jh

INAAARUTAASUMIK NALUNAARUSIAQ

Sammissassaqartitsivimmi paaqqutarinniffimmilu Ippiarsummi Inuusunnerusunut Innarluutilinnut Immikkoortortaqarfimmi misissuineq

1. Aallaqqaasiut

Misissuiartortut Inatsisartut Ombudsmandianneersut sammissassaqartitsivimmi paaqqutarinniffimmilu Ippiarsummi Innarluutilinnut Inuusunnerusunut Immikkoortortaqarfimmi misissuineq 5. juli 2017-imi ingerlappaat. Misissuineq Ombudsmandeqarfiup ataatsimut sulineranut ilaatillugu ingerlanneqarpoq, taamaalillunilu naammagittaalliummik tunngaveqarnani ingerlanneqarluni.

Misissuiartortut tassaapput siunnersortit pisortaat Lasse Risager, fuldmægtig Sean Kamelarczyk Paulsen aamma oqalutsi/nutserisoq Bula Larsen Ombudsmandeqarfimmeersut. Misissuinerup ilaa Kommuneqarfik Sermeruumi Najugaqarfinnik Neqeroorutinut Immikkoortortaqarfiup pisortaanit Tina Bøgh Hedegaardimit peqataaffigineqarpoq.

Qulequttat misissuinermi oqaloqatigiissutigineqartut ilaannaat nalunaarusiami matumani ilanngunneqarput.

Nalunaarusiaagallartoq Inuusunnerusunut Innarluutilinnut Immikkoortortaqarfimmut tunniunneqarpoq, pissusiviusutigut tunngaviusoq pillugu oqaaseqaatissaqaruni oqaaseqaatiminik saqqummiussisinnaaqqullugu. Kommune-

qarfik Sermersuumi Isumaginninnermik Suliffeqarnermillu Ingerlatsiviup oqaa-seqaatit arlallit Inuusunnerusunut Innarluutillinnut Immikkoortorta qarfik sinnerlugu e-mailkkut 19. december 2017-imeersukkut nassiuppai. Oqaa-seqaatit taakku nalunaarusiami ilanngunneqarput.

2. Misissuinermi inatsiseqartitsinikkut tunngavigisaq

Ombudsmandip sulinerani inatsisikkut tunngavigisaq Inatsisartut Ombudsmandiat pillugu Inatsisartut inatsisaatigut (matuma kingornatigut Ombudsmandi pillugu inatsimmik taaneqartartussakkut) nr. 7-ikkut, 1. juni 2017-imeersukkut aalajangersarneqarpoq.

Ombudsmandi Inatsisartunit qinerneqartarpoq, tak. Ombudsmandi pillugu inatsimmi § 1, imm. 1, suliaminilli ingerlatsinermini Inatsisartunut attuumassuteqartuunani, tak. § 6, imm. 1. Kalaallit Nunaanni Namminersorlutik Oqartussat kommunillu ataanni pisortat ingerlatsiviisa ilaat tamarmik Ombudsmandip sulinerani pineqartunut ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit siulliit.

Ombudsmandip suliassaa tassaavoq oqartussaasut inuilluunniit Ombudsmandip sulinerani pineqartunut ilaatinneqartut inatsiseqartitsinernik atuutunik unioqqutitsisumik iliuuseqarnersut imaluunniit suliassaminnik ingerlatsinermini allatut iliorlutik kukkussuteqarnermut sumiginnaanermulluunniit pisuussuteqarnersut nakkutigissallugu, tak. Ombudsmandi pillugu inatsimmi § 19, imm. 1. Ombudsmandi isornartorsiuisinnaavoq, inassuteqaateqarsinnaalluni suliarlu pillugu paasinninnerminik saqqummiussisinnaalluni, tak. Ombudsmandi pillugu inatsimmi § 20.

Ombudsmandi pillugu inatsimmi § 16-imi oqaaseqatigiitsigut siullertigut aalajangersarneqarpoq paaqqinniffiit suliffeqarfiilluunniit Ombudsmandip sulinerani pineqartunut ilaatinneqartut suulluunniit Ombudsmandip misissorsinnaagai. Taamatut misissuinermut atatillugu – Ombudsmandi pillugu inatsimmi §§-ini 19-imi 20-milu aalajangersarneqartut saniatigut – Ombudsmandip pissutsit paaqqinniffiup aaqquissuussaananeranut ingerlanneqarnera-

nullu tunngasut kiisalu pissutsit paaqqinniffimmik atuisut pineqartarneranut taakkulu pillugit ingerlaturanut tunngasut inuppalaartumik misigittartumillu isiginnittaaseq aallaavigalugu naliliiffigisinnaavai, tak. Ombudsmandi pillugu inatsimmi § 16-imi oqaaseqatigiit aappaat.

3. Misissuinerup piareersarneqarnera ingerlanneqarneralu

Ippiarsuk misissuissamaarnermik oqarasuaatikkut 27. marts 2017-imi kalerinneqarpoq, misissuinerlu pillugu paasissutissat amerlanerusut allakkatigut 24. maj 2017-imeersutigut tigullugit.

Paaqqinniffik, sulisut najugaqartullu pillugit allakkatigut paasissutissat assigiinngitsut misissuineq sioqqullugu Inuusunnerusunut Innarluutilinnut Immikkoortortaqaarfimmit aamma Kommuneqarfik Sermersuumi Isumaginninnermik Suliffeqarnermillu Ingerlatsivimmit tiguakka, matumani nakkutillinnermut atatillugu siumut nalunaarluni misissuineq kommuni sinnerlugu siunnersortimit avataaneersumit 2016-imi februarimi Ippiarsummi ingerlanneqartoq pillugu nalunaarusiaq ilanngullugu eqqarsaatigalugu.

Sulisut, najugaqartut ilaqutaasullu misissuineq aamma misissuiartortunik oqaloqateqarnissaminnut periarfissaqarnerat pillugu allakkatigut siumut ilisimatinneqarput.

Misissuiartortut najugaqartumut ilaqutaasumik ataatsimik misissuineq sioqqullugu oqaloqateqarput.

Misissuiartortut suliassaqaarfiup taamani pisortaa immikkoortortaqaarfiup uluinnarni aqunneqarneranik isumaginnittoq kiisalu sulisut sisamat najugaqartorlu ataaseq misissuinermi oqaloqatigaat. Misissuiartortut tamatuma saniatigut immikkoortortaqaarfiup initai, mappit suliani allagaatinik allaffissorikkut aqutsinnermut tunngasunik imallit ataasiakkaat immikkoortortaqaarfiullu sikaavia nakorsaataasivik misissorpaat.

4. Inuusunnerusunut Innarluutilinnut Immikkoortortaqarfik pillugu ataatsimut oqaatigisassat

Ippiarsuk tassaavoq kommunimi utoqqarnik paaqqinniffik Kommuneqarfik Sermersuumiittoq, 2015-imi majimiit aammattaaq Inuusunnerusunut Innarluutilinnut Immikkoortortaqarfeqalersimasoq. Paaqqinniffik Nuummi inissismavoq.

Misissuineq 5. juli 2017-imi ingerlanneqartoq Inuusunnerusunut Innarluutilinnut Immikkoortortaqarfimmut sammititaavoq. Immikkoortortaqarfinnik Inimik, N1-imik Tikitamillu misissuineq misissuiartortut 4. juli 2017-imi aammattaaq ingerlappaat, misissuinerlu taanna nalunaarusiakkut allakkut allaaserineqarpoq.

Inuusunnerusunut Innarluutilinnut Immikkoortortaqarfiup inunnik 66-it inorlugit ukiulinnik annertuumik innarluutilinnik ulloq unnuarlu paaqqutarinnineq neqeroorutigaa.

Immikkoortortaqarfiup ulluinnarni aqunneqarnera suliassaqarfiup pisortaanit isumagineqarpoq, taannalu Kommuneqarfik Sermersuumi Isumaginninnermik Suliffeqarnermillu Ingerlatsivimmi innarluutilinnut tarnikkullu nappaatilinnik katsorsaannermi immikkoortortaqarfiup pisortaanut akisussaasuvoq.

Immikkoortortaqarfik 12-inut inissaqarpoq.

5. Pingaarnerusutigut naliliineq

Inuusunnerusunut Innarluutilinnut Immikkoortortaqarfik immikkoortortaqarfittut pingaarnerusutigut pitsaasunik paasisaqarfigaara, tassanilu pisortaqa-tigiit ajornartorsiutinik paaqqinniffiup aqquusaagaanik aaqqiiniarneq eqqu-maffigaat pingaartillugulu.

Sulisut misissuiartortunit oqaloqatigineqartut soqutiginnittuunerat unneq-qarissuunerallu malunnarpoq, paaqqinniffimmilu sulinertik nuannaraat. Na-

jugaqartup misissuiartortunit oqaloqatigineqartup paaqqinniffimmi najugaqarnini iluarisimaarpaa. Initai kusanartuupput eqqiluitsuullutillu.

Pissutsit arlallit misissuiartortut paasisaasa oqaaseqaateqarnissannut pissutissaqalersippaannga. Taakku imm. 6-imit 9-mut allaaserineqarput.

6. Sulisoqarniarnikkut ajornartorsiutit

Inuusunnerusunut Innarluutilinnut misissuineq sioqqullugu qinnuigaara allakkiamik paaqqinniffiup 2016-imi 2017-imilu suliatigut (imaanngitsoq aningaasaqarnikkut) pingaarnertut ajornartorsiutigisimasai pillugit ilaatigut nassuiaataasumik naatsumik nasseqqullunga. Allakkiami tigusanni ilaatigut oqaatigineqarpoq ilinniarsimasunik sulisussarsiniarneq ajornartorsiutaasoq, sulisullu ilinniarsimasut ilinniagaqarsimanngitsullu napparsimaneq pissutigalugu sulinngitsoortarnerat annertooujussuusoq.

Suliassa qarfirmi pisortap misissuinermi oqaatigaa sulisut arlallit ullut tamaasa sulinngitsoortartut. Taamaattumik immikkoortorta qarfiup taartaasus-sanik pissarsiniarneq ullut tamaasa piffissaajaatigisarpaa. Suliassa qarfirmi pisortap aammattaaq oqaatigaa ajornartorsiut eqqumaffigineqartoq, sulinngitsoortarnerillu sulisut eqqarsaatigalugit kommunip tamanna pillugu ingerlatseriaasia tunngavigalugu immikkoortorta qarfiup malinnaaffigigai.

Sulinngitsoortarnerit ulluinnarni kingunerisartagaat eqqarsaatigalugit suliassa qarfiup pisortaata nassuiaatitut oqaatigaa najugaqartut tunngaviusumik pisariaqartitaat, matumani nakorsaait, timikkut eqqiarneq, nanginik taarsii-sarneq nerisassallu ilanngullugit eqqarsaatigalugit, sulisut pingaarnersiullutik tulleriiarinermi allatut ajornartumik salliutittariaqartaraat, najugaqartunillu sammisassaqartitsinermit piffissa qarpiassanatik, matumani najugaqartut aneertarneri ilanngullugit eqqarsaatigalugit. Immikkoortorta qarfiulli perorsaasoq najugaqartunik sammisassaqartitsisoq najugaqartullu ataasiakkaarlugit sammisassaqartinneqarnissaannut pilersaarutunik sularinnittartoq atorfinitsissimavaa.

Sulisut sisamat misissuiartortunit oqaloqatigineqartut tamarmik nassuiaatit oqaatigaat napparsimaneq pissutigalugu sulinngitsoortarneq immikkoortortaqaarfimmi ajornartorsiutaasorujussuusoq, pingaartumik akissarsiffinni sapaatillu akunnerisa naanerini, tamannalu suliassat naammassiniarneranut sunniuttarpoq. Sulisut assersuutigalugu oqaatigaat ullut ilaanni sulisut marluinnaat pingasuinnaalluunniit sulisartut, naak sulisut arfineq marluullutilluunniit arfineq pingasuusussaagaluartut.

Sulisut sisamat tamarmik nangillutik nassuiaatit oqaatigaat najugaqartut piffissaagallartilugu uffarnissaannut ikiuinissamut piffissaqarajunngitsoq, naak najugaqartut arlallit ullut tamaasa uffartartussaagaluartut. Najugaqartunik uffaanerup nal. 8-mit nal. 10-mut kinguartinneqartarnera ilaanneeriarluniliaamma unnukkumut imaluunniit ullup tullianut kinguartinneqartarnera suliassaqaarfimmi pisortap misissuiartortunut uppersarlugu oqaatigaa.

Sulisut nangillutik nassuiaatit oqaatigaat najugaqartut sammisassaqaartinneqarnissaannut piffissaqarajunngitsoq, matumani najugaqartut aneertarneri ilanngullugit eqqarsaatigalugit.

Najugaqartup misissuiartortunit oqaloqatigineqartup nassuiaatit oqaatigaa pisariaqarneratut ikiorneqartarluni, naammattunillu suliassaqartarluni.

Isumaginninnermik Suliffeqarnermillu Ingerlatsiviup e-mailimini 19. december 2017-imeersumi erseqqissaatit oqaatigaa sulisut ullut tamarluinnaasa suliartunngitsoortanngitsut. Napparsimaneq pissutigalugu sulinngitsoortarnerup annikillisinniarneqarnera eqqumaffigineqartorujussuusoq, sulinngitsoornerullu 8 pct.-inik qaangiineri tamaasa tamanna annikillisinniarlugu qanoq iliortarsinnaanera eqqarsaatigalugu iliuousissanut pilersaarut sularineqartarpoq. Sulisussarsiniarneq eqqarsaatigalugu ingerlatsiviup oqaatigaa immikkoortortaqaarfik suli ajornartorsiuteqartoq, sulisussarsiniartarnerli ingerlaavartumik aaqqiiviginiarneqartoq. Ulluinnarni napparsimaneq pissutigalugu sulinngitsoortarnerup kinguneri eqqarsaatigalugit ingerlatsiviup oqaatigaa suliassat immikkoortortaqaarfiup pingaarnersiorlugit tullerriaartarai,

taakkulu ullup ingerlanerani suliarineqarnissaat qulakkeertarlugu, najugaqartullu eqqortumik kiffartuunneqartartut. Najugaqartunik sammisassaqartitsineq eqqarsaatigalugu ingerlatsiviup oqaatigaa tamanna pisariaqartitsineq naapertorlugu pisartoq, tamannalu ingerlanniarlugu ilaatigut tapersersortitut ikiorti suli ataaseq atorfinitsinneqarsimasoq. Sulisut naammattumik amerlassuseqarput, taakkulu pissusissaatut suliarortarpata sammisassaqartitsineq piffissaqarfigilluarneqassaaq. Tamanna anguniarlugu immikkoortorta qarfimmil perorsaasutut atorfiit pioreersut saniatigut atorfiit akuersissutigineqarsimapput. Najugaqartunik uffaasarneq eqqarsaatigalugu ingerlatsiviup oqaatigaa ataasiakkaat pisariaqartitaat isiginiarneqartartut, taamaalilitik piffissat uffaaviusartut ataasiakkaanut naleqqussagaasinnaasarlutik. Sulingitsoortorpassuaqartillugu uffaaneq pigaartunut tullernut immikkoortorta qarfimmiluunniit eqqissisimaarnerulerfimmum kinguartinneqarsinnaavoq.

Sulisut pisortaqatigiillu najugaqartunik uffaannissamut sammisassaqartitsinissamullu piffissaaleqisarneq pillugu nassuiaataat ernumanartutut isigaakka.

Inassuteqaatigaara najugaqartut tamarmik piffissaagallartillugu uffarneqartarnissaannik suliniuteqarneq Inuusunnerusunut Innarluutilinnut Immikkoortorta qarfiup qulakkiissagaa.

Inassuteqaatigaara najugaqartut tamarmik ulluinnarni pisariaqarneratut anertutigisumik siunertaqarluartunik sammisassaqartinneqarnissaannik suliniuteqarneq Inuusunnerusunut Innarluutilinnut Immikkoortorta qarfiup qulakkiissagaa.

Aammattaaq kaammattuutigaara Inuusunnerusunut Innarluutilinnut Immikkoortorta qarfiup – immaq Kommuneqarfik Sermersuumi Isumaginninnermut Suliffeqarnermullu Ingerlatsivik suleqatigalugu – sulisoqarniarneq pitsaanerulersinniarlugu annertunerusumik suliniuteqarnerup aallartinneqarnissaa isumaliutersuutigissagaa.

7. Pujortartut pujuannik najuussuinnermut illersuineq

Misissuiartortut immikkoortorta qarfiup initaanik misissuinnerminni tupasunni malunnartumik naamasinnaavaat.

Suliassa qarfimmi tassani pisortap misissuinnermi oqaatigaa sulisut o qarfigineqarsimasut najugaqartut pujortareeraangata silaannarissaasaqqullugit. Immikkoortorta qarfik tamanna pillugu allassimasunik tunaartarisassaanganilaq. Ingerlatsivimmi immikkoortorta qarfiup pisortaata oqaatigaa ineeqqat matuisa qulaanni milluaasumik silaannarissaateeraqartoq, qanorli iluaqutaatiginersut nalornigini.

Isumaginninnermik Suliffeqarnermillu Ingerlatsiviup e-mailimini 19. december 2017-imeersumi ilassutitut oqaatigaa innuttaasut sulisullu pujortartut pujuannik najuussuinnermut annertunerusumik illersorneqarnissaat qulakkearniarlugu immikkoortorta qarfik amerlanerusunik suliniuteqarniartoq, tamanna pillugu allaganngortitanik tunaartarisassiornermigut. Tamatuma saniatigut inini ataasiakkaani silaannarmik milluaasulersuinissamut periarfissaq misissorniarpaa.

Pujortarnermik inerteqquteqarneq pillugu Inatsisartut inatsisaat nr. 15, 26. maj 2010-meersoq (matuma kingornatigut pujortartarneq pillugu inatsimik taaneqartartussaq) aalajangersakkamik imaattumik ilaatigut imaqarpoq:

“§ 5. Paaqqutarinniffittut angerlarsimaffinni, ulloq unnuarlu paaqqinniffinni, najugaqarfisatut neqeroorutini, ilinniartut ineqarfiini assigisaannilu inunnit 18-it sinnerlugit ukiulinnit arlalinnit najuqarfigneqarnerusuni namminerisamik angerlarsimaffittut atuuttuni najugaqartut ataasiakkaat 18-it sinnerlugit ukiullit ineeqqami inissiamiluunniit angerlarsimaffittut najugaqarfisaminni pujortarsinnaapput.

Imm. 2. Paaqqinniffik paaqqinniffimmi sulisut najugaqartullu allat pujortanngikkaluarlutik tupap pujuannik najuussuinissaannut illersorniartugit sunniuteqarluartunik suliniuteqassaaq. Paaqqinniffiup najugaqartut peqqusinnaavai sulisut ineeqqami inissiamiluunniit namminerisatut angerlarsimaffittut atuuttumi isersimatillugit pujortartaqqunagit.”

Pujortartarneq pillugu inatsit piareersarlugu suliani § 5 pillugu immikkut oqaaseqaatini ilaatigut makku oqaatigineqarput:

"Sukumiisumik qulakkeerinnermut tunngatillugu pisuni ataasiakkaani naliliineq apeqqutaavoq. Ineraq namminerisamilluunniit inigisaq pujortarfiusoq sullissiviup iluani init allat eqqarsaatigalugit soorunami matuneqarsinnaasuusaaq. Tamatuma saniatigut ineeqqat ataasiakkaat pujortareernerup kingornatigut silaannarissarneqartassasut suliffeqarfiup peqqusissutigisinnaavaa.

Sulisut najugaqartullu sinnerisa illersorneqarnissaat qulakkeerniarlugu annertunerusumik suliniuteqartoqarnissaa pisariaqartinneqarpat inini ataasiakkaani pisariaqarneratut annertutigisumik silaannarissarfilersuisoqarsinnaavoq.

Pujortartut pujuannik najuussuineq pinaveersimatinniarlugu sukumiisumik qulakkeerisogarnissaanik aalajangiinnermi sullissiviup pisortaasa sulisut, isumannaallisaanermilu sulini-aqatigiinnik pilersitsisoqarsimappat, taakku ilaatissavaat."

Inassuteqaatigaara sulisut najugaqartullu pujortartut pujuannik najuussuinnermut illersorniarlugit pujortarneq pillugu inatsimmi § 5, imm. 2-mi oqaaseqatigiit siulliit tunngavigalugu suliniutit annertunerusut Inuusunnerusunut Innarluutilinnut Immikkoortortaqaarfiup suliniutigissagai.

8. Suliffimmik naliliiviginninnerup suliarineqarnera

Suliffimmi isumannaallisaanikkut peqqinnissakkullu allakkatigut naliliisoqarnissaa sulisitsisup isumagissavaa. Tamanna Kalaallit Nunaanni sulinnermi avatangiisit pillugit inatsimmi, tak. inatsit pillugu nalunaarummi nr. 1048-mi, 26. oktober 2005-imeersumi kingusinnerusukkut allannguuteqartinneqartumi § 11 a, imm. 1-imi oqaaseqatigiitsigut siullertigut aalajangersarneqarpoq.

Immikkoortortaqaarfiup misissuineq sioqqullugu oqaatigaa immikkoortortaqaarfiup suliffik pillugu naliliinnermik siullermik suliaqarnera 2017-imi junimi aallartinneqarsimasoq. Suliffimmik naliliiviginninneq misissuinerup nalaani suli suliarineqarpoq.

Isumaginninnermik Suliffeqarnermillu Ingerlatsiviup e-mailimini 19. december 2017-imeersumi oqaatigaa suliffimmik naliliiviginninneq massakkut inaarlugu suliarineqarsimasoq

Paasisutissiissutigineqartoq tusaatissatut tiguara.

9. Immikkoortortaqarfimmik pilersitsinermut inatsisikkut tunngavigisaq

Innarluutillit pillugit inatsit kommunit inunnut annertuumik innarluutilinnut najugaqaqatigiiffinnik nakkutigineqarlunilu najugaqarfinnik pilersitsinissaanut inatsisikkut tunngavissamik imaqarpoq, inunnilli annertuumik innarluutilinnik ulloq unnuarlu paaqqinniffiit Naalakkersuisunit pilersinneqartarlutik. Tamatuma saniatigut ikiorsiiniutinik allanik pilersitsisoqarnissaa Naalakkersuisut kommunip qinnuteqaateqarneratigut akuerisinnaavaat. Annertuumik innarluutillit ikiorserneqartarnerat pillugu Inatsisartut peqqussutaanni nr. 7-imi, 3. november 1994-imeersumi kingusinnerusukkut allannguuteqartinneqartumi (matuma kingornatigut innarluutillit pillugit peqqussummik taaneqartartussami) § 2 aamma §§-it 10-mit 17 a-mut aamma annertuumik innarluutilinnik ikiorsiisarneq pillugu Namminersorlutik Oqartussat nalunaarutaanni nr. 8-mi, 25. juni 2014-imeersumi (matuma kingornatigut innarluutillit pillugit nalunaarummik taaneqartartussami) §§-it 39-mit 47-mut innersuussutigaaqka.

Allagaat "Inuusunnerusunut innarluutilinnut paaqqutarineqarnissamik pisariqartitsisunut immikkoortortaqarfimmi pitsaassuseqartitsineq"-mik qulequqartoq Kommuneqarfik Sermersuumi kommunalbestyrelsimit 15. februar 2016-imi akuerineqarsimasoq immikkoortortaqarfimmit misissuineq sioqqullugu tiguara.

Tassani imm. 1-imi oqaatigineqarpoq immikkoortortaqarfiup inatsisikkut tunngavigisaa innarluutillit pillugit peqqussummiillunilu innarluutillit pillugit nalunaarummiittoq, kisianni peqqussummi aalajangersakkanut aalajangersimasunut innersuussisoqarsimanani, taamatuttaarlu immikkoortortaqarfik

aaqqissuussaannermi najugaqaqatigiiffittut, nakkutigineqarluni najugaqarfittut, ulloq unnuarlu paaqqinniffittut paaqqinniffittulluunniit allatut isigineqas-sanersoq erseqqissumik oqaatigineqarsimanani.

Ingerlatsivimmi immikkoortortaqaarfiup pisortaata misissuinermi nassuiaatit-tut oqaatigaa immikkoortortaqaarfimmi najugaqartut najugaqaqatigiiffinni nakkutigineqarlunilu najugaqarfimmi najugaqartunut sanilliullugit ataatsimut paaqqutarisariaanerusut, isumaqarlunili immikkoortortaqaarfik inatsimmi taa-matut oqartarnek tunngavigalugu ulloq unnuarlu paaqqinniffittut aamma isi-gineqarsinnaanngitsoq.

Kommuneqarfik Sermersuumi Isumaginninnermik Suliffeqarnermillu Inger-latsiviup e-mailimini 19. december 2017-imeersumi erseqqissarlugu oqaati-gaa immikkoortortaqaarfik taanna innarluutillit pillugit peqqussut tunngavi-galugu nakkutigineqarluni najugaqarfittut pilersinneqarsimasoq.

Paasissutissiissutigineqartooq tusaatissatut tiguara.

10. Malitseqartitsineq

Inuusunnerusunut Innarluutilinnut Immikkoortortaqaarfik qinnuigaara nalu-naarusiaq manna immikkoortortaqaarfimmi sulisunut, najugaqartunut ilaqu-taasunullu paasissutissiissutigeqqullugu.

Inuusunnerusunut Innarluutilinnut Immikkoortortaqaarfik qinnuigaara nalu-naarusiami matumani imm. 6-imit 7-imut oqaatigineqartut paaqqinniffik qa-noq iliuuseqarnissaanut pissutissaqalersinneraat paasissutissiissutigeqqullu-gu. Immikkoortortaqaarfik qinnuigaara paasissutissat Kommuneqarfik Ser-mersuumi Isumaginninnermik Suliffeqarnermillu Ingerlatsivik aqqutigalugu uannut nassiuteqqullugit, taamaalilluni ingerlatsivik paaqqinniffiup oqaatigi-sai pillugit oqaaseqaateqarnissaminut periarfissaqarsinnaaqqullugu.

Nalunaarusiap matuma assilenera Kommuneqarfik Sermersuumi Isumagin-
ninnermik Suliffeqarnermillu Ingerlatsivimmut ilisimatitsissutitut nassiuppa-
ra.

Nalunaarusiaq manna 2017-imi ukiumoortumik nalunaarutinni ilanngunne-
qarumaarpoq.

Inuulluaqqusillunga

Vera Leth
Vera Leth